

**2018-imut aningaasanut inatsisissatut siunnersuut – Aappassaaneerneqarnera.**

(Aningaasaqarnermut Akileraartarnermullu Naalakkersuisoq)

Maanna aningaasanut inatsisip aappassaaneerneqarnerani Siumumiit siullermeerinermi saqqummi-  
ussavut, uparuaaffigisavullu iliuseqarfigineqarnerisut misissuataarpavut.

Meeqqat angerlarsimaffiup avataanut inissiinermi angajoqqaarsiaasartut ajunngitsorsiaqarnerat  
ataatsimiitaliami isumaliutissiisuteqarnikkut upernaq akuersissutigitinneqartoq, isumaliutissiis-  
summi inassutigineqartutut 8,000 kr-nut qaffaanissamik inassutitaatitaqartoq inatsisartullu akuersi-  
nerisigut maannamut aningaasartaasigut aaqqiiviginiarlugu suliniuteqartoqanngilaq, kaammattuuti-  
gissavarput tamanna inatsisissap pingajussaaneerneqarnerani allannguutissatut siunnersuuteqarfi-  
gineqassasoq, annertussusissatut upernaq siunnersuutigineqartutut malunnaatilimmik qaffaasoqar-  
nissaa anguniarlugu.

Tasiilami kalaallisuliornermi ilinniarfeqalernissaanut inatsisartut akuerisaat suli aningaasartaler-  
neqanngitsoq aningaasartalerneqarnissaanut suliniuteqartoqassasoq, pingajussaaneerinissamut  
kissaatigaarput, Konto pigaarneq :27.01.07 ICC ukiut missigersuuteqarfiusut ilanngulluni 4 mio. kr-  
nik qaffanniarneqarnera peerneqassasoq, ilaatigut qulaani taasatsitut inatsisartut akuerisaat  
pisussaaffiliisullu naammassiniarlugit aningaasat atorneqassammata.

Konto pigaarneq: 51.01.07 aalisartut piniartullu siunnersorteqarnerat 1,2 mio kr-nik aningaasartalik  
qaffaaffigineqassasoq 2-mio kr-gorlugu ukiut missigersuuteqarfiusut ilanngullugit aaqqiivigalugu,  
ukiumut 800,00 kr katillugit 3,2-mio. Kr.

Angallannermut kiffartuussinermi isumaqatigiissutit maalaarutaajuarnerat qaangerniarlugu  
isumaqatigiissuteqarfiusut sunik aaqqiiniarluni suleqatigineqarpat ? Aamma konto pigaarneq:  
20.11.70 suliniutinut nutaanut sillimmatit. Angallannermut isumaqatigiissummut 8 mio. Kr.-nik  
aningaasaliisoqarnissaanut aningaasartuutissat ilaneqarput, suna aningaasalerniarneqarpa ?

Taamatuttaa q aningaasanut inatsisissap siullermeerneqarnerani inatsisartut ataatsimiittarfissaanut  
sanaartortoqarsinnaanera ersarissamik isummerfigineqassasoq kaammattuutigaarput. Maanna  
illorsuup minnerunngitsumik sulisut eqqarsaatigalugit peqqinnangilluinnarnera nassuerutigina-

veersaarnera tamaannga killeqartariaqalermat. Siusinnerusukkut illuut A/S aqputigalugu sanaartortoqarsinnaanera taamalu ukiuni arlalinnngortuni iluarsaassisaqattaarnernut aningaasaliissutaasartut nutaamik sanaartornikkut sipaaruteqarfionissaat qularutigineqartariaqanngimmat.

Sinerissami peqqinnissaqarfimmi sullissineq ataqatigiissaarniarlugu sunik suliniuteqartoqarpa ? peqqinnissaqarfik maalaarutaajuarpoq minnerunngitsumik qitiusumik Sanami suleriuseq nukittorsarniarlugu sunik suliniuteqartoqarnerseq paaserusunnarpoq ?

Taamatuttaaq Danmarkimi peqqissartunut nerisaqarnikkut atugassarititaasut aaqqiivigisariaqartut Siumumiit piumasarissavarput, pisariaqarpat qulaajaalluni misissuinissaq kaamattuutiginarpoq nerisarisakkatsinnummi tulluarsagaanerumik nerisaqartitsinermut peqqissartunut atugaqartitsinissaq, pingaarutilerujussuuvoq taamaattumik aaqqiisoqartariaqarnera kaammattuutigaarput.

Sanaartornermut aningaasaateqarfik misissoqqarput aningaasallu atorsinnaasat qulaajaareermermi nunap sinneranut siammaalluni sannaartornermut aningaasaliissutigisinnaanerat aqputissiuuteqqullugu, kommuunit peqatigalugit.

Nunatsinni sulisinnaasut ikiliartorput tamannalu matussuseritariaqarpoq pisariaqarpat avataanit sulisulernikkut assersuutigalugu suliffissuit, inerisaaniaraluarneq nalitunerusunngortitsiniarluni sulisussaqqanngimmat maannamut annerusumik suliaqarfineqqanngilaq. Aamma sulisinnaasut suliffeqareersut saniatigut sulisinnaasut akileraarutitigut oqilisaanniarlugit suliaqartoqartariaqarpoq, taamaaliornikkut inuit eqiingasut sulerusuttullu assersuutigalugu saniatigut allani aamma sulisinnaanerat kajuminnarninngortillugu.

Ilinniartut aamma minnerunngitsumik ukiukitsut mattussorpavut inuunermi sulinermik aningaasarsiuulaarnissaannik, aamma imigassamut inatsisissakkut ilinniartut ukiukinnertik pissutigalugu sassaallernermi peqataasinnaanerat ajornarsisinnearpoq, ilinniaqqusivugut aporfissanillu pilersitsiortuilluta tamanna ajorpoq .

Nunani tamalaani misissuisarnerit tunngavigikkajuttarpavut assersuutigalugu imigassaq pillugu, nunat allat inooriaatsiminni takutitaat issuaannarlugillusooq nunarput inatsisiliorniarsarivarput, uffa pissutit assigiigiaartorujussuunerata ilaatigut nunanut allanut sanillersuussinnaanarput tamatigut assigisinnaanngikkaa, isumaqarnarpoq inuiaqatigiit oqallitsinnerusariaqartut.

Ukiuni kingullerni tele greenland A/S-ip attaveqaatitigut ineriartortitsinera ajunngilluinnarpoq

Maannami nunatta avannaa ukkatarineqarpoq sinerissap sinneratut periarfissat pitsanngorsarlugit, tamannami aamma isumaqarpoq angallannikkut pitsanngoriaatinik malitteqassasoq tamannami sulissutigineqarmat ajunngilluinnarpoq, nunarput ataasiusutut ineriartussaaq soorunami tulleriiaarinikkut, tele-ip ineriartortitsinera eqqarsaatigalugu taava tullinnguutissaaq tunu qaqugu ? attaveqaatitigut pitsanngorsaaffigineqalissava ersarissunik tamanna pilersaaruserlugu sulissutigineqassasoq naalakkersuisunut kaammattuutigaarput.

Nalunngilarput Tele Greenland A/S aningaasaqarnikkut ajunngitsumik ingerlammatt aamma sinneqartooruteqarluni ingerlalluni sinneqartoorutit tele-ip susassaqarfigisaani nunatsinni atortariaqarput nunarput attaveqaatitigut ataasiulersinniarlugu, imaassanngilarmi, ineriartornermut allatigut akileeqataatiinnassagivut pitsanngorsaaviginagillu. Taamaattumik Naalakkersuisut tunup attaveqaatitigut pitsanngorsaaviginissaannut pilersaarutaat suuppat aamma qaqugu sulissutigisassat tulliuuttu aallartissasut naatsorsuutigissavarput ?

Nunatta aningaasarsiornerani pingaarutilissuaq tassaavoq aalisarneq pigaartumik piffimmi siammar-simalluta taamaattumillu imaani aalisakkatigut aningaasarsiuqarnitsinni pisariitsumik suleriuseqarnissarput pingaaruteqarpoq pisariaqarlunilu, aalisarnermut inatsit ukiaq manna siullermiissavarput, tamatumani sinerissap qanittuani qaleralinniarneq eqqarsaatigalugu selskab-it aalisangartassanik piginnittuusinnaanerata nalilersornissaa pisariaqavippoq allatut oqaatigalugu aalisartut aalisasapput, suliffissuillu qallorneqartunik tunisassiussapput ullumikkutuut piginnittunngoriartuinna-ratik.

Avataasiorluni qaleralinniarneq qalorsuarsorluni oqallisaasaqaaq pingaartumik avannaani Qeqertarsuup tunuani aalisarneq eqqartorneqartillugu, kitaata avataani qalorsuarsorluni aalisarneq inatsimik tungaveqarpoq maani inatsisartuni piginnaatitsissutaasumik tamanna isumaqarpoq akisussaaffik allannguinnissamut maaniittoq Inatsisartuni. Tamannalu sinerissap qanittuanut sunniuteqarnerlusanngippat Naalakkersuisut qanoq suliniuteqarniarpat ? allannguinnissamut kitaata avataani qalorsuarsorluni qaleralinniarneq eqqarsaatigalugu.

Allaffissorluni qanoq suli sipaarfiusinnaanersoq apeqqutigissavarput suliniutigineqarnerlorlu, marloqiusamik oqaatsitsigut ingerlatsineq, taamaasillutalu nutserinerujussuarnik ingerlatsinerput annikillisinnaarlugu sunik suliniuteqartoqarpa ?

Aningaasanut inatsisip siullermeerneqarnerani paasivarput kommuninut tapiisutit suli isumaqati-giinniutaasut suliaq sumut killippa? kommuninut tapiisutit siusissukkat kommuunit paasissagaat

pingaaruteqarpoq aamma minnerunngitsumillu aningaasanut inatsisissaq eqqarsaatigalugu qanoq allannguitigisoqassasoq naatsorsuutingineqarpa ?

Taamatuttaaq kommuninut tapiissutit agguarneri, pillugit ersernerluttoqarpoq, Qaasuitsup Kommunia avinneqarpoq ataatsimoortumik tapiisutit aqputigalugit nalimmassaarinnermut Qaasuitsup Kommuneriisimasaanut avannaata kommunianut aamma kommuni Qeqertalimmut 52-mio kr-it agguaneqassapput oqaasertani 19. Mio. Kr. Avannaata Kommunianut Kommuni Qeqertalimmullu 33 mio. Kr.-it agguataarneqarlutik, naluneqanngilaq Avannaata Kommuniani inoqarfiit amerlanerunerat inoqarfiit qeqertalimmut naleqqiulluni affaat sinnerlugit nunaqarfeqarluni, sooq taamatut agguataarisooqarpa tunngavilersuutini takusinnaavarput inuussutissarsiutitigut takornariaqartitsinikkullu periarfissarinnerummanngooq, tamanik takuneqarsinnaasutut inoqarfiit amerlanerummata affaat sinnerlugit aningaasaliiffigineqarnera eqqumiiginarmat qulaajaaffigeqqissaarneqartariaqarpoq aammalu isumaqatigiinniarnikkut eqqumaffigalugu.

Naggataatigut Siumumiit oqaatigissuarput iluarisimaaratsigu Siumumiit isumaqatigiinniutigalugit saqqummiussatta ilaat annertuut Aningaasanut Inatsisissakkoorlugit piviusunngortinneqarsinnaalissammata, soorlu Uummannami talittarfissaq qangarsuarli pilersaarutaasoq, Qaqortumi, Nuummi Ilulissanilu mittarfissat, sinerissami tunumilu mittarfeqqat sanaartulernissaannut misissueqqissaarnissat il.il.

Neriutigaarput naatsorsuutigalugulu aningaasanut inatsisissaq sapinngisamik oqimaaqatigiissumik pitsaasumillu naammassineqarsinnaajumaartoq. Siumumiillu sapinngisarput tamaat suleqataassaqaaratta oqaatigissuarput.

Taamatut oqaaseqarluta pingajussaaneerseqartinnani aningaasaqarnermut akileraartarnermullu ataatsimiititaliamut innersuupparput.

Jens Immanuelson, Siumut